

白石先生餘稿

柳田文庫

文庫11

A1192

30

25

20

15

10

5

文庫11

A1192

白石先生詩序

詩原以抒性情發心志凡有
幽懷淒清排側激仇則播之
為詩歌自三百篇啓風雅之
傳而後漢唐以來比音叶律

柳田泉文庫

駸駸而起矣我

皇上右文重道雅意作人英才
輩出詩教日隆侍從之臣鼓
吹訖揚於斯爲盛使薄海而
外咸能慕化奮興琉球素稱

守禮則尤其傑出者矣新公
諱堪者才學敏裕博雅能詩
世祿於國所著白石餘稿托
余叔父恪齋公郵至京邸求
余爲序予自丙戌歲幸捷南

宮忝居翰苑於茲七年凡親
友未及交接文詞無暇應酬
因新公跡隔海島不憚數萬
里之遙情意殷殷閱其詩雄
思傑構秀麗絕倫蓋彬彬有

三百篇之遺風焉始知新公
胸次不群樹幟海邦於中幽
冲而偏造者昔之韋孟也宏
暢而尚達者昔之元白也質
而超於詒者則陳杜之倫藻

而工於境者則錢劉之屬余
不勝詫而異之謂造物鍾靈
乃有如是其出人意料者哉
新公浸淫乎風雅沐浴乎詩
書而抒為金石之詞余雖未

得交接言笑而已知其為人
矣喜以書之

賜進士第翰林院編修

南薰殿纂修方輿路程前翰
林院清書庶吉士鄭任鑰撰

題清鄭任鑰所序白石餘稿
新井筑州使君白石詩尊有
朝鮮使臣序題者為正德辛
卯歲君友人高天階所撰次
既已印行而世傳之前一年



冬琉球來貢天將共祀室會
于薩侯藩邸固錄君詩若干
首以與其人而觀之且屬以
行李往來達之燕京使天清
人稱之以拔其人後之既還

會進貢使趣燕京以君詩自
隨遂託琉球引禮通官鄭恪
齋通至京邸請其姪翰林編
修鄭魚門詳且序之魚門得
君詩於鞞不已更爲寫一本

自撰序久而品論之至以君
詩為兼善唐作者之長琉球
人得之齋反其國至甲午冬
琉球尋復入貢往與天際會
者以魚門所序詩稿附薩州

人輸送達東都下書法道素
墨痕蕩然善魚門所親寫也
第其序若謂君為琉球人者
豈琉球傳其兩属日本不敢
告清人以實乎亦將鄭氏以

日本不與清通姑為踰也其
辭以避外交之嫌亦親詩律
係日本者皆除不錄獨存元
梅詩一首亦似微視其詩之
為日本耳其稱君曰新公諱

堪者君後時補勘解由勘解
由是 奉朝官名也近世似
官名自命人亦以此呼之而
清人不知乃倉卒得之瑤球
人口語輒以勘為君名且誤

以於青笥之以遂以勅為堪
也頃君與余語次及此謂余
曰子蓋為我記之庶使我子
孫子知我嘗遭逢不諱之
朝以父子往來如此謂君待

光華國家浩美四方其餘波
覃及海外者北至朝鮮南至
琉球又至暹、清、朝、文、化、之
國莫不同然一辭所至稱善
譬如荆璧隋珠天下之寶者

也溫厚之色惻然之容有目
者見而知之是故素與同視
胡越合愛初不以絕國殊俗
而美論焉欲擗而截之得乎
晉劉琨有言曰天下之寶固

為與天下共之於今乃知夫
詩不負為天下之寶也此固
不待余言云、而其事始終
曲折有不可不記者遂為之
叙次以附其後

省

正德五年乙未冬十月

室直清師禮甫識



白石先生餘稿緒言

男新井明卿大亮撰

一先大夫以經術遇知昭代而以詩名世世之知
 先大夫者特以詩先大夫生而異三歲在襁褓見
 戲每寫字視之則天下一之文字也人以為英物
 及長慨然有大志中歲流落都下家素貧都下富
 人某見其為人謂奇貨可居欲妻以女令人說之
 先大夫笑曰子亦聞丘言乎某所有龍潭小地游
 潭之上人微傷其腮風雨晦暝失所在時龍死當

者言

正德五年

他山之蹊嚮之瘼尋許也蓋游潭者龍之蛇服也
故士窮則死矣豈求小利而生大瘼乎其操志類
如此餘見鳩巢先生所撰墓碣之中所著有東雅
孫子兵法擇日本軍器考諸書未梓

一先大夫言詩凡四五十年所詩稿若干卷罹災者
數斷斷而歌今之所存不過數卷問諸家族及執
友諸君子得什之一二古時同社諸君子萍分星
散無緣索搜欲俟他日補之

一白石詩草天漪先生先已範而出忌煩故見詩草

者不錄及事于涉温室樹者悉除之

一明卿不嫻文辭孱弱質加以多病居恐殞先人業
然職在介冑以馳馬試劍為事急先務也日與文
事脊馳此稿也先人未定今不刊一字屬鹵莽者
顧不甚矣亦予之不識字之臯也大方君子無貽
誚先人

一聞之書行則必有并序者予病矣不遑問序諸君
子爰所附昔年琉球國人所贈及諸君子所筆搜
筐笥得之以附首尾不知其當否

新井明卿謹誌

Blank columns for text on the right page.



白石先生餘稿卷之一

男新井明卿大亮輯

甲午歲九月十一日前攝政大相國藤公觴大
閣殿下於河上東莊使堪上詩應教二首得流
字

蕭相初開北闕第謝公本愛東山幽紫宮高映三台
座青道遙臨萬景樓上古大椿齊比壽重陽芳菊更
添秋竊知帝眷深如許繞檻長河九折流自注云公門大

第古時在宮城北端陽明門外故比漢蕭相國賜北闕第

明廷二傳一時休杖屨相陪事事幽北極星連南極
老青雲路接白雲樓赤城霞起山皆曙銀漢波通水
復秋丘壑放情強健日還勝王謝舊風流

留別松青牛

孤劍東從五馬遊一樽臨別為君留相逢空嘆山河
異話舊還驚歲月流千里誰能王粲賦百年難共李
膺舟客中何用攀楊柳況復邊城搖落秋

錦里先生宴上和南南山韻

自注云南山嘗宦遊北地既去到此

高宴張燈未放歸暮天芳樹靄烟霏朱絃堪奏陽春

曲白壁難酬明月輝原識南山玄豹隱還傳北海大
鵬飛為言鮑叔唯知我莫使今人此道稀

庚午春次韻李溪君龍山卽事

飛閣峻嶒十二欄玉人縱自倚層巒西山雪淨青天
曉東海烟開碧水寒畫拱遙浮雲五色綺窻高映日
三竿因君更約登龍會試向秋風吹帽看

重和南山次韻

青松高插玉闌干古殿陰沈鎖翠巒牛渚月明詩自
好龍山風落帽猶寒臺前雲雨迷詞賦江上烟波動

釣竿應是地靈口紫氣何人共倚斗間看

邊城秋

受降城外早秋寒漢將旌旗落日間畫角一聲雲出塞金閨萬里月臨關黃榆霜下阜鷗急白草風來鐵馬閒玉帳猶嫌弓力軟何時飛箭定天山

送春

春去從何路花飛處處同徒窮千里目長恨五更風歸意蘼蕪綠離情芍藥紅相思無可贈寄在不言中
奉和錦里先生辛未元日韻

春城北斗轉初陽紅拂扶桑化日長趨鯉庭前生喜色頌鱸門下兆休祥千秋論史推司馬七載從師愧樂羊莫說東來吾道在鄭公何處不為鄉

史堪在門下七年于此

和李溪元日韻

萬雉金城雪色中春回絳帳景融融當今鄒魯講鄉射他日邵周觀國風千載蛟龍得雲雨一時鸞鳳集梧桐關西原自稱夫子好繼家聲振海東
奉謝錦里先生春初開宴兼呈諸友

椒酒花浮栢葉杯，高堂幸侍盛筵開。
論經虎觀諸儒會，投刺龍門子弟來。
吳下巴驚三日士，鄴中堪數一時才。
郢歌自愧巴人調，漫使陽春曲裡催。

賦得歸鴈

梅花飄盡柳條輕，萬里東風向北征。
瑤瑟不勝湘水怨，錦書堪寄隴雲情。
朝飛紫塞胡天濶，暮宿黃沙漢月明。
獨有宦遊江上客，徒教鄉思滿春城。

辭祿後答山東故人

幽叢秋發桂花枝，應有山中招我詩。
海上長風吹不

斷白雲明月寄相思。

與諸子泛舟江口和子彙

霜落江楓兩岸分，長天碧水接南雲。
共歌今日知何日，青翰舟中復有君。

又和信威韻

青娥紅粉照鳧舟，日落江城玉露秋。
不見碧天明月色，菱歌清唱暮雲愁。

賦得鴻鴈來

霜飛瀚海朔雲寒，萬里迷群大漠間。
紫塞風悲何處

宿黃沙塵暗，幾人還。漢臣從昔能持節，胡騎于今盡入關。借問中原，消息依然，明月照燕山。

中秋會田氏宅

薄暮雷雨

萬里長天清夜催，南樓聊把客中盃。仙人槎上秋河轉，神女臺前暮雨來。雷霆忽驚龍劍合，海潮方滿蚌珠開。不須絃管吹明月，君自凌雲作賦才。

三更月出

一雨滄江烟霧生，登樓強對武昌城。銀河洗出中秋色，玉管吹開半夜明。海上逐槎今日興，淮南問桂幾

年情浮雲難定，人間事不論西風萬里晴。

十六夜同諸賢會紀使君河上亭和使君韻

萬里西風吹鷓冠，南樓更盡使君歡。地開金谷紅塵靜，天轉銀河碧水寒。招隱淮山叢桂老，和歌郢里折揚殘。德星相聚千秋事，試向霄間永夜看。

和山成中秋遙寄韻

自注云此夕會田生宅者五人咸不至

西風吹起木蘭舟，到日江天玉露浮。鴻鴈書來千里月，芙蓉劍老十年秋。黃金臺上誰求馬，白石歌中獨飲牛。亦識山公終貴盛，當時不入五君流。

卜居後示山咸

一別朱門違曳裾，故人同學近何如。
還家那問蘇秦印，去國誰憐樂毅書。
捐珮芙蓉風浦冷，披衣薜荔月林疎。
悲秋自古多騷客，況復吾今賦卜居。

新鴈

秋風天末起，萬里向南翔。
已度湘江月，猶疑瀚海霜。
紅催庭草色，白映渚蘋香。
久戍金河客，隨君望故鄉。

雞冠花

仙葩曾下白雲端，遙想淮南靈藥殘。
燕燕辭巢花已

結猩猩滴血色，初乾朱冠相鬪秋。
風亂綉頂如鳴曉，月寒孤劍不須中。
夜舞客情空對碧欄看。

秋江送人

江上青楓白露秋，佳人暫駐木蘭舟。
醉中攀折官橋柳，搖落千山暮色愁。

九月十日諸君過東市新居因賦

鄴中才子舊風流，文旆揚揚此淹留。
座上千年鸚鵡賦，家徒四壁鷓鴣裘。
夷門退隱供衰老，燕市酣歌感壯遊。
更有新知真得樂，江濱採採白蘋秋。

又和岳達

江城落木萬林疎，此日悲秋賦卜居。諸客論交金共斷，美人當座玉相如。功名休問麒麟上，生計纔收鴈鷺餘。賴有菊英佳色在，加餐要擬楚三閭。

松禎卿田彞過新居分韻得窓字

平生燕市侶，擊筑對銀缸。諾比黃金重，詩成白壁雙。梧桐飛夜雨，鴻鴈度秋江。搖落應堪賦，悲歌向曉窓。

會伯玉宅

岱翁蓬萊

名家原識鳳凰毛，自少才華冠俊髦。南海一珠明月

滿蓬萊，五色綵雲高。共啣仙子瓊蘇酒，難報美人金錯刀。今日相逢須盡醉，交情戀戀感綈袍。

同七子會田彞宅和伯玉韻

七子風流古鄴臺，紅塵一道出城來。三山白雪青天落，四野蒼烟碧水迴。飛蓋西園良友會，華樽北海盛筵開。玉壺叩罷狂歌發，老驥空慚千里才。

又和松禎卿韻

銀壺傳漏箭，金博吐香烟。當戶星河轉，侵階月露聯。桂椒薰美酒，珠玉燦清篇。乘醉宜投轄，還將到曙天。

次韻九月授衣

閨中愁婦繡鴛幃，絡緯宵催織素機。
日落碧雲千里合，秋高白鴈上林飛。
芙蓉洲畔風霜下，烏鵲橋邊月露微。
却有弊貂游宦客，還家九月未成衣。

殘菊

南山秋色晚籬菊，數枝殘玉露鴛衣冷。
金風翠羽寒孤芳，伴叢桂餘艷託幽蘭。
落日滄江客，徒同屈子餐。

秋月入簾得開字

夜長絡緯暗相催，羅幌風飄忽自開。
十二珠簾明月

入回頭疑是玉人來

蟋蟀入床得如字

蟋蟀聲寒木葉疎，玉關消息近何如。
象床繡枕無顏色，織錦殘機不作書。

九月十三夜紀使君堂上次田彞韻

搖落江山暮色浮，又逢明月武昌秋。
笛中楊柳添秋思，杯裏葡萄緩夜愁。
萬里金風吹雨斷，一條銀漢帶雲流。
庾公清興何曾淺，宜與諸君共倚樓。

和人

三秋欲暮赤楓寒，況復人間離別難。
從是登高臨水意，清風明月夢中看。

冬日牡丹

十月江梅未吐芳，一枝妖態漏韶光。
春宵夢入吳宮艷，月夜魂歸漢殿香。
日映繡窻催短景，風飄錦幄拂嚴霜。
可憐玉色寒無粟，始信溫柔別有鄉。

十二月一日問熊子璋病

落落青松四壁居，故人同病近何如。
鸕鷀裘敝宦猶倦，鸚鵡賦高才豈踈。
白石應憐歌短褐，朱門莫問曳

長裾。平生已許元龍下，共說當年豪氣除。

臘中迎春

萬里風光海上晴，季冬春景雪間明。
東郊氣色迎龍駕，北斗星杓轉鳳城。
金馬當年論避世，土牛今日見催耕。
張衡自有歸田好，肯競才華賦二京。

雪夜陪豐城紀刺史宴歸寓田子宅短述呈熊子璋

綠酒紅鮮瑪瑙盤，宴酣飛雪夜漫漫。
坐圍翡翠金屏合，燭綴蒲萄絳蠟殘。
珠履三千慚上客，瓊樓十二對

清寒遙知君有幽蘭操一曲鳴琴欲和難

雪夜會田子宅

深林雪壓碎琅玕醉裡臨風拂檻看玉蓋峯頭春已入
瑤臺月下夜猶殘香凝寶鴨爐烟斷凍合金虬漏水寒
豈可兔園無妙賦謝家原自識芝蘭

雪夜同諸子會愛雲堂得春字

江城瑞雪玉鱗鱗此夕華堂醉衆賓梅蕊飛香迷夜月
柳條飄絮逼陽春絲毫不讓兔園賦玉色相逢鶴
氈人曾識幽蘭難和曲郢中原自共誰倫

和雪夜韻

飛雪飄搖舞月明臨萬戶誰將玉笛吹梅落不知數

和伯玉詠雪三首

舜田皇澤臘天前積素飛瓊兆稔年鸞鏡千樓開月
照鮫綃萬樹剪花懸蓬萊闕下皆瑤草姑射城頭是
艷仙寄語謝家才子弟誰將柳絮比春妍

瑞雪風飄下九天殊勝黃竹製周年三花珠樹教春
住五夜瓊樓借水懸瓠石河邊疑作客傳觴池上夢
逢仙寶紈莫比團圓色飛燕宮中欲妬妍

玉漏沉沉艷雪天，金虬含凍夜如年。瑤臺斜月千林滿，銀漢飛流百道懸。授簡兔園推上客，披裘鶴氅想神仙。從來此曲稱難和，敢使巴謳更鬪妍。

賦得新鶯出谷

燕谷回陽律，交交拂曙暉。梅邊經雪度，柳上帶烟飛。語學玉連鎖，歌傳金縷衣。禁林春欲徧，何樹不應依。

白牡丹

奇葩出洛陽，素艷皎如霜。羅幙春光澹，珠簾午影長。梨花畱月色，桂子借天香。十五盧家婦，憑欄愧靚妝。

挽豐州紀刺史三首

北邙山上夕陽殘，仙鶴雙飛下月壇。不似忘憂凌雪草，春風薤葉露光寒。

西去王孫萬里遊，年年春草繞芳洲。東風楊柳無窮恨，一樹千條不耐愁。自注云：刺史先人謫死西州。大夫人號青柳院主。

燕燕差池度海津，歸來非復舊時春。朱簾繡幕香風鎖，飛入彫梁不見久。

長信宮中草

長信宮中草，秋來白露深。玉階侵履跡，輦路不堪尋。

柳邊繫馬

青絲驄馬紫遊韉紅粉樓前繫翠楊不惜白花飛似
雪千條萬縷為君長

代兩伯陽寄題八竒亭八首

不識天台路遙知仙子家桃花流水色蒸作赤城霞

右東巖霞標

青青隴頭麥藹藹若雲多日午南風起吹成萬頃波

右龜井麥浪

長橋三百丈影偃綠波中人似行天上飄飄躡玉虹

右兩國行人

兩國橋名

暮看漁火影霄聽漁笛響明月沒前川偏照清波上

右深川漁火

不見烟中寺但聞烟外鐘江城秋色遠落日隱高峯

右無緣晚鐘

無緣寺名

黃茅原上路白鳥渡頭船日落行人絕蕭蕭夜雨懸

右淺茅夜雨

林外午鳩鳴前村逐婦行老農無所識能自卜陰晴

右葛西陰鳩

扶桑旭日躍紅映浮雲端突出青天外千秋白雪寒

右士峯晴雪

和南藩祗秀才夏日陪宴韻

上國開朱邸南邦覲繡裳堯天分翼軫舜日過明良
錫貢時包橘陳詩舊賦棠鳳樓雲借色鵲渚月迎涼
才子陪蘭席詞人繼柏梁不論忘玉醴既醉共金觴

採蓮曲二首

十五採蓮女羞久不出花青荷如小扇試折一枝遮
打起鴛鴦兒莫教棲綠池三年江上別又及採蓮時

又二首

荷葉荷花色色同細裙拖翠粉腮紅傍人爭道花交
色試向花間鑑水中

風鬢烟鬟雲袂輕紅蓮相映水中明蘭撓短小清波
動愁傍隣船繞岸行

又二首戲做某體

若耶溪上採蓮兒蘭棹尋花曲曲移玉指撥時愁水
動羅裙翻處畏風吹葉傾暗滴仙人露藕折遙分織
女絲畫舫紅滿歸家晚還是前山月上遲

白石齋集 卷之二
五月西湖十里紅芙蓉開與美人同桂舟蘭棹疑天
上粉面羅裙似鏡中水縷無端憂緒亂綠莖空折苦
心通金鞍寶馬誰家子立盡橫塘楊柳風

題畫十首

樓前千里雪門外一溪流我吟招隱句忽憶月明舟
蕭蕭脩竹林門逕入林深畫裡不堪往夢中還自尋
慈烏養雛時夜夜啼垂曙未酬反哺恩莫向東西去
問花何日開春色來誰許花咲竟無言幽禽長自語
疎疎白雪枝影落月明時要見香風動試將橫笛吹

楓林含雨暗漁火照江明夢到寒山寺鐘聲半夜鳴
麋鹿遊吳苑鷓鴣上越臺到今湖月夜唯有扁舟來
掛席一千里荆門烟樹分孤舟明月峽猿嘯不堪聞
青煤出古松黛色風烟古磨墨寫松枝蒼然含霧雨
古墨描幽竹烟梢凝寒綠蕭蕭風雨時置我湘江曲

送田長元之丹陽

自注云丹陽有天橋俗傳文殊補處又有餘謝海昔人入

蓬萊之所

丹陽路入帝城隈此去千山接五臺河漢鵲橋天上
落蓬萊鰲殿海中開西風孤劔芙蓉老北地尺書鴻

鴈來搖落何堪折楊柳江樓暮笛莫相催

夏雲多奇峯

夏雲天外起一一似危岑玉葉蓮峯峻金枝桂嶺深
嵯峨將蔽日碑兀未成霖何得蛟龍動慰茲望霓心
卽事

黃簾綠幙午風香十里芙蓉鑑翠塘却怕玉階秋氣
入班姬紈扇不堪涼

中秋集熊子璋宅二首

浮雲千里合辜負廣寒遊玉管淒將斷金波黯不流

秋風斑扇恨暮雨楚臺愁感子歌叢桂幽吟伴倚樓
烟雨江城暮清樽空對欄樓前鴻影暗簾外桂枝寒
光借蘭膏熱聲連玉漏殘不知金闕宴誰向月中看

熊子璋夜夢有人請使賦金閨愁思詩彼自吟
一篇曰若此詩卽入格覺後求之不得只記入
暮雲三字余與田氏兄弟賦以實其事也

瑤階涼露濕香裙井上梧桐葉葉紛玉塞使回書已
斷金城夢去路難分流黃色冷懸秋月搗素聲寒入
暮雲江南楊柳今搖落可忍胡人笛裏聞

九日示田子彛二首

西風何處不悲秋，杯裡黃花緩客愁。即是茂陵多病日，霜華吹上鷓鴣裘。

黃金不結少年場，獨對寒花晚節香。十載故人零落盡，故園秋色是他鄉。

九月十三日賀平子壽七十

自注云：子壽三世名鑿者，命題云菊。

契千秋即倭歌題也云

華誕良辰會垂弧，耀畫堂幾望蕙應月。晚節菊凌霜，東海延仙侶。南山對壽觴，千齡添景色。七袞襲休祥。

種玉靈苗秀，煉金繁蕊香。夕餐供寶鼎，朝飲泛瓊漿。馥郁薰詞席，斑斕映舞裳。長生真有術，何望白雲鄉。
送復軒之南海

南山何粲粲，白石爛其光。長歌堯與舜，中夜一何長。今子遊南海，萬里涉沅湘。秋風西北到，飄子芙蓉裳。脩途難共越，分襟在路傍。行矣蒼梧遠，望彼白雲鄉。
紀司馬席上賦宮詞

梧桐枝上月，團團疎葉影。移金井欄碧，殿夜深吹鳳管。九天風露滿階寒。

又賦秋雨梧桐葉落時

蘭燈花結碧金荷夜帳輕寒入錦窠自是秋來梧葉老雨聲何似月明多

鶴樓小集賦寒砧催木葉

芙蓉雙杵搗清寒木葉霜飛月滿山遙識黃沙金甲冷秋風先度鴈門關

邊城曲

霜飛白草落黃榆畫角當樓漢月孤夜半火來戎馬動齊披金甲臂彫弧

宮前螢

景華宮殿暮烟浮月姊星娥侍宴遊莫怪君王長夜醉溪山如畫露螢流

豐州紀刺史園中十六詠

九例既曰見詩草若不錄雖然有數者不在此例後做焉

歲寒林

鬱鬱長松樹蕭蕭脩竹林結茅松竹下深識歲寒心望雪臺

日暮層臺上清風起古松翠嵐吹不斷隱見芙蓉峯浴月池

待月清池，上清池靜不波。波間浴明月，偏覺清光多。
觀魚亭

碧檻搖池影，遊魚去復來。雙雙紅尾躍，時見綠波開。
海棠岸

紅萼層層結，青枝嫋嫋垂。不須長袖舞，一任好風吹。
芳草原

春入芳原，上青青。襯步鞋，佳人來鬪草，應賭鳳皇釵。
涵星井

酒渴嗽寒泉，時來下翠綆。夜深井底天，涵得星星冷。

御風橋

清池天影入碧水，澹含輝。行過飛虹，上長風吹我衣。

櫻桃塢

素艷遙疑雪，幽香時逐風。黃鳥啼不盡，啣入後庭中。

彩石巖

落落補天餘，層巖苔色古。誰知石上雲，去作催花雨。

神女祠

偶來神女館，採採白蘋香。雲外聽鳴管，依稀引鳳凰。

戲鳧洲

白石齋稿 卷之二
乍沈青荇合時出，綠萍開飛向芳洲。上還疑鳥影來，
躍鞠場。

林下一場開，飛毬上下催。乍隨飄絮去，時逐落花來。
調馬埒。

寶馬紫遊韁，調來乘晚涼。月中回玉勒，洗出藕花塘。
孤松嶼。

根盤蒼嶼上，益偃綠波中。日暮停蘭棹，□聽四面風。
聞磬樓。

金剎青林外，朱樓綠水前。落日聞鳴磬，寥寥出暮烟。

少年行戲倣人體

十二翠樓臨狹斜，長安遊俠競豪華。金堤塵動章臺柳，
玉道風開杜曲花。寶馬忽過三市陌，錦鯖還醉五侯家。
鬪鷄走狗春長好，不信青門老種瓜。

送橘伯陽赴對馬州

霜拂金鞍去馬催，樽前仗劍對離杯。路經鯨海洪波湧，
天入雞林旭日開。諸島遙分雲外樹，千山忽隔隴頭梅。
壯遊不負平生志，極識西征作賦才。

碧瓦霜寒

碧瓦霜初落，上林鴻已飛。銀河分素影，璧月帶清輝。
萬井金鐘徹，千門玉漏稀。夢寒驚鳳枕，坐冷隔鴛幃。
綺席宵添酒，薰爐曉煖衣。城南多思婦，不寐織殘機。

和井尚絅客中韻六首

飛霜昨夜下，秋城散入西。風胡鴈聲不見，海門烟樹色。
登高落日異鄉情。右九日

茱萸女伴玉盤囊，醉後空憐羅帶香。唯有東籬黃菊色，
秋風吹過夜來霜。右十日菊

青天明月共清輝，霜落江樓盡搗衣。莫怪南來消息

斷秋鴻不向北風飛。右秋興

露下碧天孤鶴鳴，瑤琴彈斷別離聲。流黃機上娟娟

月，同是關山萬里晴。右秋夜晴
生細君在江城

江城秋色老芙蓉，明月懷人影共從。裘上霜華飛似

霰，西風吹徹五更鐘。右秋夜

醉把春風金屈卮，浮雲一別隔天涯。信陵賓客君休

問，白首侯生今已衰。右偶題

和藤拾遺雨中梅花

東亭詩興雨中催，萃省仙郎此詠梅。玉鏡晨臨疎影

白石齋稿 卷之二
入珠簾暮捲暗香來隴頭驛使春相贈林下佳人夢
作媒總為風流兼郢唱還疑白雪吐芳開

紀司馬宴上醉中刻燭一寸賦屏間梅影

金瓶吐雪玉梅寒畫燭鮮明照夜闌雲母屏間疎影
動誰應不作月中看

和祇生七家雪戲效其體

甲第千甍桂作梁瓊筵賞雪碧霞觴水晶簾外春移
檻雲母窓前月近床寶馬驕行迷玉勒瑤姬艷舞妬
羅裳彫薪蠟爨燠如日滴向飛檐百尺長 右侯家

千巖飄雲望相同百道流泉凝不通朔吹拂梅侵戶
內遙峯隔竹露窓中虎過門徑蹤猶在鶴下庭階影
似空却怪洞天長不夜瓊芝往往繞琳宮 右山家
粉雪風飄麝壁香倡家佳麗勝椒房花明錦帳春何
早月滿蘭筵夜正長金縷鳳釵應借色玉臺龍鏡欲
分光細炙銀笙未度曲纖纖呵手換羅裳 右倡家
飄搖雨雪灑青旗公子南橋倒接羅龍劍氣寒畱俠
客鷗絃聲澁出歌姬醪醑香酒春風入翡翠明簾夜
月垂醉脫錦裘呼五白風流多勝習家池 右酒家

一蓬風雪壓輕舟，獨釣寒波百丈流。江底鼉鼉光共湧，海邊鷗鷺影如浮。水明珠澤難分夜，天靜銀河欲問秋。長笛數聲何處所，回頭雲際下中洲。右漢家

將軍大獵渭城隈，飛雪紛紛白羽摧。畫鼓風驚寒欲裂，朱旗雲捲凍難開。銀虜多是林間出，玉兔非關月裡來。不畏萬蹄歸路晚，百車行酒醉時迴。右獵家

伐木聲寒啼鳥稀，千峰雨雪日霏霏。林巒樹拆玄猿墮，洞壑雲紛白鶴飛。笠重石門天欲晚，筇深棧閣路猶微。朝來一擔城中入，青帘樓前換酒歸。右樵家

祇生席上贈白岑

碧瓦霜飛落木餘，燈花聊伴竹間居。天寒紫氣雙龍劍，歲晚青雲一鶚書。衰髮只應知己惜，交情漸覺世人疎。相逢共感綈袍贈，未必王門問曳裾。

平輓席上賦雪

飛雪飄搖竹樹林，歌臺舞閣晝沈沈。光銷錦幌春雲熱，影動朱簾夜月侵。獵騎北原鷹背重，遊人南陌馬蹄深。谷中空理幽蘭操，獨對虛堂撫鳳琴。

同席賦得返魂梅

即香名

白石齋稿 卷之二
玉梅香煖寶鑪開苦被春風入夢催裊裊輕烟微月
動還疑踈影隔簾來

癸酉上元會鶴樓

金門魚鑰徹明開玉漏虬壺入夜催黃道月臨迎綵
仗紫宮星繞接瑤臺龍啣寶燭疑飛動鳳逐仙簫欲
下來不是祥雲成五色祇應海上覓蓬萊

和龍野真生客中元日韻以餞

龍野隸山陽

當日東征賦已成山陽才子暢遐情星辰交映蒼龍
野驛路遙懸丹鳳城萬里鴻還帛書信千山花發錦

不榮客中自有陽春調為唱高歌白雪聲

好鳥鳴高枝

萬戶金鏡曉鶯啼初旭開綿蠻中谷出睨睨上林來
夢傍朱樓喚花臨綺閣催應同鄒子律暖向樹頭回

賦入塔雨

高閣暮沈沈庭堦對雨深緗簾苔色入繡戶竹光侵
簷溜和乳漏窓風濕鳳琴高唐如可賦莫向夢中尋
源鴻臚坐上賦

知君經術有餘師東閣招賢傾一時太守舊分周甸

服鴻臚今見漢官儀，朱簾雨捲桃花動。畫棋雲浮鴈影垂，亦識麒麟勲業在。蘇卿能賦五言詩。

春初寄田長元在山北三首

離杯對把玉芙蓉，春酒乘來琥珀濃。不信千山萬山隔，醉中分手夢中逢。

芳草萋萋別後多，遙知遠□憶歸家。武昌城外西門柳，欲使東風吹白花。

翡翠樓中織錦機，詩成萬字望君歸。上林白鴈知多少，便向春風北地飛。

醉答山書記咸二首

自注云咸昔從我受左氏春秋今遊林祭酒之門宦

途得志

東閣延賢海內開，黃金原自滿燕臺。通家深許登龍客，書記兼稱倚馬才。名借青雲堪並起，詩傳白雪更新裁。猶憐遊市悲歌侶，擊筑時時把酒盃。

昔倒春風白接羅，風流共醉習家池。宦遊已倦三年客，昏嫁空淹五嶽期。左傳自慚元凱癖，玄經誰許子雲知。莫因老驥思千里，敲碎玉壺歌更悲。

錦里先生席上和祇岱韻

鷓冠何意對華簪杯酒相逢子墨林北海清風坐中
起南天紫氣斗閣深揮毫乍見綵雲落按劍莫疑明
月臨鄴下少年君最是詩成七步在當今

平輓宅賦梅花落

瑤堦梅落日却是在芳時羅恍春風度珠簾夜月移
妝臨鸞鏡媚歌入鳳琴愁窈窕懷春女含情不自持

白石先生餘稿卷之一

白石先生餘稿卷之二

男新井明卿大亮輯

甲子十二月十日恭陪大駕於東天台佛會

二首用松公韻

星下天門度海東梵王宮殿五雲重雙林樹影連僊
路七寶蓮華湧鷲峯

玉毫疑見照東方宸藻雙懸日月光仙梵度來鳴鳳
曲天花飄落使臣衣

從田雪

春雪艷陽催，條風且拂梅。六花瓊樹落，七葉玉簫開。
瑞色衣間集，韶光勝裡來。登高堪可賦，誰繼謝莊才。
正月九日太史公枉駕覽 藩府所賜經籍令
子姪及一二高弟從焉用其元日韻以謝
寶閣高開琪樹森，芸編香送下書林。雲霄星聚群賢，
象日月文懸列聖。心漢代河間能好古，周廷柱下復
知今傳經非有淵源，在何沐恩波若許深。

中秋泛舟暮過牛頭寺

蘭楫中流動，長風玉笛哀。青林圍寶刹，碧水繞香臺。

仙梵秋潮響，華鐘晚日頽。鴈王標塔過，龍女捧珠來。
槎泛天河近，桂飄月路開。朗吟牛渚夜，清興爲誰催。

舟中賦

萬里秋空掛素輝，蘭橈輕拂水雲微。大江潮湧魚龍
舞，斜漢星稀鳥鵲飛。楊柳風來飄玉笛，芙蓉露下濕
羅衣。還疑此夕凌牛斗，欲逐仙槎海上歸。

十六夜會紀司馬第用前韻

碧天雲斂澹秋輝，桂子香飄夕露微。北海清風樽自
滿，西園明月蓋齊飛。鳥啼城上鳴金折，鴈度樓前擣

練衣共_一佳期連此夜應須直到曉鐘歸

同席賦得月滿海上

碧天明月滿海色靜涵秋龍鏡懸寒影鮫綃疊細流
雲開三島小潮湧十洲浮應是銀河上乘槎凌斗牛
十七夜會藍田生宅復用前韻

驟雨高樓濺落輝海天秋色晚霏微黑雲壯壓蛟龍
下紫電俄驚霹靂飛漢殿涼來掩紈扇陽臺夢去濕
仙衣亦知明月何長好不倒金樽不用歸

十八夜集熊子璋宅復用前韻

萬家明月共秋輝雲盡長天夜思微鳩鵲觀前梧
老鷓鴣泉上鴈群飛玉杵風寒光拂幌金笳霜冷影
浸衣獨有登樓裁賦客異鄉雖好更懷歸自注云子璋游官于

豐州自言秋間
悵然有歸思

送山咸之山東三首

講學當年齊魯都沅湘看過赤楓餘方知萬里從遊
後抽出蘭臺石室書

吳門為卒挈家來到日誰知舊姓梅君上泰山回首
望秋風何處練光開郡有東嶽

大梁城杜古夷門樽酒臨行贈一言若說當初抱關者到今猶感信陵恩

平輓席上賦得月下裁縫

翡翠簾前織月開佳人下拜繞塔來君恩不為憐長袖強把金刀隨意裁

和復軒南中憶江東同遊韻三首

故人分手武昌城樓上空懸孤月明忽見西門楊柳色春風吹起別時情

一雙龍劍出豐城紫氣蒼茫不見明共說人間猶有

冷望中長慰異鄉情

鄒枚並入大梁城授簡平臺雪色明獨有茂陵多病客于今猶抱倦遊情

九月十三夜與諸君約會希翊宅晡時風雨驟至半路而還夜間月出遙有此寄

明月澄良夜賞心終不違層檐殘雨斷高閣片雲飛菊綻薰金枕萸開應玉徽空歌叢桂曲却似剡中歸送從軍人傲人

漢將臨關旆頭馬上看五原飛檄急八月折膠寒

翠羽妝璫劍，臯皮飾玉鞍。平生報恩子，定識斬樓欄。
邊城曲

赤燧千峯急，邊聲鼓角長。營開胡月入，陣結虜雲張。
柳葉飛金箭，梨花散鍊槍。前軍乘曉出，生縛左賢王。
從軍遊獵

絕漠胡塵靜，將軍獵塞城。彫弓彎月滿，畫戟拂霜寒。
寒日雙鷗落，悲風萬馬鳴。薄暮笳聲動，歸旗指大營。
魏宮

銅雀園西漳水陽，蘭房椒閣桂作梁。玉臺高掛菱花

鏡翠帳新添，迷迭香蟬翼梳鬟。還怯薄蛾眉，拂黛不
厭長。宮中爭說金鍼巧，肯使瑤姬補衣裳。

七月賀豐州紀刺史誕節自注云題云契松延齡倭歌題也

燕寢垂弧日，秋風入畫屏。高攀君子樹，遙仰老人星。
四十初彊仕，三千共遐齡。貞蕤連翠幌，香葉接蘭庭。
王母蟠桃熟自注云使君頃有弄瓦之慶仙郎折桂馨自注云使君第四子
項入南山佳氣滿，渾對茂林青。

中秋作四首自注云己巳八月十五日堪生兒名曰清娘志其時也每遇生辰兒女輩置酒且賞月是歲甲戌之春清娘
對月若喪明，然強賦以遣懷。

天風吹_兒露沾衣環珮招_魂夜未歸琴上斷絃誰復
辨空懸素影照金徽

羅幌無人風自開蘭叢露泣夜蛩衰誰言明月懷中
隨不似行雲夢裡來

瓊樓玉宇倚高寒桂影空懸欲自攀惆悵嫦娥月中
去不教仙藥到人間

雙環鴉髻繡羅裳學得低眉拜月光履跡空餘秋草
色滿階寒影夜如霜

八月十六日伯止新居落成

伯止
北人

碧溪新築傍紅渠客裡秋光此載書南去遙隨彭蠡
鴈東流近就武昌魚山中叢桂歌招隱澤畔芳蘭賦
卜居爲謝青天明月夕美人相憶贈瓊琚

小齋諸君集同賦庭上未開梅

庭上寒梅樹枝頭春欲歸臨風調玉笛待月撫金徽
素艷猶遮面幽香未出衣幸得芳心結還勝學雪飛

奉和太史公新正韻

西周遺大老東魯冠諸生吾道乾坤在斯文日月明
杏壇風欲動蘭室氣方清自聽朱絃唱同知大雅聲

大史席上賦得鳥聲開春

春城佳氣曉陰沈，忽聽新鶯轉上林。
燕律初調鄒子管，楚歌難和郢人吟。
五更喚起金門睡，萬里催歸玉塞心。
青帝一從開鳳曆，韶光偏逐鳥聲深。

又賦朝花萬福詩

城闕晴雲曙，園林淑景催。
日臨承露掌，花繞避風臺。
鳥去金鈴動，蜂來錦幄開。
豈無桑扈賦，肯酒捧春杯。
予昔去山東，託一株梅樹於友人。
牢落三年宦，既成遂取之歸。
今春花方盛開，同數客花下小

飲和田子彞韻

昨夜東風拂鴈池，梁園雪後玉珂移。
楚人原重黃金諾，郢樹應同白首期。
共對美人疑月色，何勞驛使贈春枝。
定知歲歲花相似，長使風流若此時。

示祇生

南天紫氣斗間寒，匣裡雙龍此地蟠。
博物張華猶未識，天教雷煥一時看。

分題賦春夜裁絳

白狼川北雪猶飛，丹鳳城南鴈已歸。
忍對樓前桃李

月滿襟春思縫寒衣

為木蒙齋壽大翁七十自注云題云松契
千年倭歌題也

萬里蒼烟岱嶽分青葱秀葉日氛氲柯凌姑射千年
雪盖拂蓬萊五色雲並蒂蟠桃齊結子雙飛白鶴共
成羣知君勾漏神仙令長伴清風不厭聞

送田彞之雲州

白鶴雙飛海上來徵書遙到起蒿萊城頭氣色重雲
出封內山川太社開大澤靈蛇傳寶劍渥洼神馬產
高材此行不為鱸魚膾莫使秋風客思催自注云重
雲太社靈

蛇神馬鱸魚皆
用州中故事

八月十四夜壽某夫人誕辰

二七銀蟾夜清光照瑁梁瑤臺看月鏡金闕想霓裳
丹桂花初結蟠桃子更香從今滄海上幾度見生桑
鶴樓會賦邊城秋

秋色天山曉單于獵火燒疆胡南牧急飛將北征遙
太白星芒暗中黃土氣驕悲風鳴萬馬落日下雙鷗
塵起蓬先斷霜飄草已凋忽驚鴻鴈至漢月自迢迢

丙子上日

金湯萬雉據雄州，玉帛三朝會上遊。龍虎氣蒸滄海湧，
鼉鼉日抱大江流。斗杓東指星低樹，嶽色西來雪滿樓。
春入朱門多邸第，漢家原自賜王侯。

歲初志喜呈太史公

自注云去冬藩府賜六經及羣籍

東壁星文寶氣浮，寵光雙映賜書樓。漢廷共美河間好，
魏代還輕鄴下遊。乃識一經堪教子，何論萬里覓封侯。
龍門心醉餘波在，要問桃花三疊流。

為小埭丈人賦鍊洲四景

東海飛塵斷南天，孤月開三山。秋水淺萬里，夜潮來

強弩移龍窟，明珠剖蚌胎。桑田人世在，不必訪蓬萊。

右鍊洲秋月

上方鐘始動，下界夢先知。寶篆晨香繞，金蓮夜漏移。
潮音雲外應，霜氣月中吹。遙識東林老，應須禮六時。

右圓通時鐘

西京分嶽鎮東邑，仰山宗天入蒼龍。野地開白虎峯，
桑暎懸五夜松。靄鬱三冬于採汀洲上，蘋花香露濃。

右愛岩神殿

初地空王閣，諸天梵帝家。經臺翻貝葉，香社結蓮花。

鴈塔慈雲峻雞園寶樹斜遠公寧許飲昔渡虎谿餘

右三緣佛閣

庚寅元日壽外舅日下翁八十誕節

南極星輝五夜天東風先度壽觴前功成渾似沅湖
日望久應同釣渭年玉樹映階群子弟瑤池開宴集

神仙當初射札弓猶在笑指扶桑借日懸自注云去歲季冬南

極星見今歲元日適值翁之誕節翁舊越人阿嫗偕老子姪多賢且翁壯時善射穿札詩中皆紀其實云

正月十二日陪太史宴同賦春酒介壽

蘭樽酒泛萬年卮錦曲歌翻七月詩試把玉筍來按譜
簾前春日自遲遲

和源桃溪賀滄浪新居自注云居在駁臺下

玉帛三徵賢路開黃金求駿是燕臺蛟龍氣向南天
合鴻雁賓從北地來繞砌芝蘭今自在滿門桃李舊
曾栽此中誰和陽春曲坐對西山白雪堆

春初聞松禎卿舍弟去秋就常山相公辟以賀
蟾宮早折桂枝歸到日新鶯拂曙暉冀北一空龍馬
出河東雙起鳳凰飛烟開秋水蓮花幕雲深春風柳

色衣應識梁園詩賦客池塘芳草夢相依

和室直清次春初韻二首

雄藩坐鎮賀蘭州鈴閣延賢冠俊遊紫塞若雲連北
地黃河似帶指東流月明秋水蓮花府日映春風棗
萼樓玉帛朝來如問俗干城應是賦公侯

自注云當
代禮遇相

府寵比親
藩故云

陽春白雪和巴謳郢裡遙思客倚樓已附青雲違夙
志還酬明月感曾遊遺梅我自慚韓子採藻君應頌
魯侯共是關西門下士十年猶未接風流

自注云昔
年直清欲

薦堪於北藩且
有中秋酬和

再答二首

祭戟遙臨下北州鳴珂到日遠從遊金城攀柳青春
隔玉笛吹梅素月流塞上鴈群飛作陣波間蜃氣結
成樓班生原自思歸切不問當年萬里侯

自注云登
州在封內

故用
海市

萬里滄浪倚棹謳塵纓欲濯水明樓豈思洛下書生
詠爭似鄴中才子遊流徵彌高傳郢客雙珠並映報
隋侯相思江上人何處碧霧蒼茫片月流

自注云來
詩有云聞

道詩名傳帝州洛
陽才子羨交遊

復答二首

春風揚柳動邊州，萬里思鄉自倦遊。
孤館聽鶯消白日，高城送鴈瞰蒼流。
五言曾記蘇鄉節，八詠今知沈約樓。
為報玄經能守者，當時高第姓為侯。
自注云前日見滄浪

春初五言及和李溪詩
又和堪韻總共八首

昨夜懷君月下謳，玉簫遙度鳳凰樓。
梅逢驛使一枝贈，草望王孫千里遊。
已識水清如樂令，更知山嶷似周侯。
武陵非獨神仙者，好逐桃花問上流。

重和室直清次春初韻六首

才名落落重中州，此日江東賦遠遊。
萱對北堂春不老，草生南浦水空流。
百年壯志曾題柱，萬里歸心獨上樓。
莫說瑤華難可報，采繁猶自用公侯。

春風吹起桂叢謳，夜雪難乘月照樓。
南國鵲巢之子賦，北溟鵬翼此間遊。
築金臺上曾招士，抱璞山中竟拜侯。
却恨一條涇渭水，年年東去自分流。
直清辨鳩巢

當今高士號南州，一榻長懸壓貴遊。
白壁難酬連壁友，塵纓欲問濯纓流。
袖中不減三年字，床下還思百

尺樓鄭國羔裘堪可賦彼其之子直且侯

直清一號滄浪

曾唱驪駒醉裡謳玉珂花映驛邊樓觀風奮被南方
化迷職時隨東海遊季扎當年來上國孟軻行處見
諸侯高堂應計回轅日遙指天涯大火流

春來梅發似揚州醉裏彷徨疑夢遊四野風雲開嶽
色萬家烟樹抱江流遙思孺子滄浪水獨立仙人白
石樓謝掾旌旄君莫問浮生非是為封侯

故人高曲和齊謳三日梁塵繞綺樓南館思經猶旅
食西園飛蓋更遨遊已傳一字踰華袞何問千金擬

素侯欲寄雙魚無恙否百花潭水是春流

復和直清示韻二首

即留別作

仙子登瀛第幾洲海天東接五雲流蓬萊一水猶清
淺却在人間不可求

江雲一片阻交歡況復人生離別難不忍春風江上
鴈金城北去望中看

正月二十六日太史席上賦得暗黃著柳

楊柳短長枝春風引作絲欲翻金縷曲未按白花辭
鶯羽棲烟岸鶯兒宿月池美人鸞鏡裡何日學蛾眉

南天燭

百枝紅爛曉霜前，火樹煌煌翠裊烟。
北極燭龍寒日照南方，朱鳥列星懸。
王家空惜珊瑚色，衛國猶思棗竹篇。
況有青精堪作飯，葢珠宮裡問神仙。

蒲萄

萬里西來漢使前，上林高架綠雲連。
驪龍宮裡明珠動，烏鵲橋頭列宿懸。
玉甕釀泉瓊液冷，金盤承露水精圓。
爛斑織出機中錦，總爲佳人得取憐。

某人母堂壽詩賦菊

瑤水秋通灑水陽，西來王母泛仙觴。
南山稱壽金樽滿，東海添籌錦悅長。
翠葉帶將萱艸色，黃葩分得桂枝香。
醉來笑向階前看舞映，斑斕五彩裳。

牽牛花

雙鳳啣飛織錦梭，彩雲深鎖紫皇家。
鵲橋一斷銀河隔，遙寄相思夜剪花。

丁丑人日喜田服二生來

自注云去歲二生出身

今夕惟何夕，相逢月下吟。
民星多有好人日，易成陰
教想梅花媚，衣知柳色深。
陽春留白雪，應入郢中琴。

太史席上賦得魚上冰

寒魚翻密藻，暖岸帶流澌。晴日紅雙尾，新波綠半池。
已同冬笋感，寧似夏蟲疑。應待桃花水，直將雲雨期。

和原九韻贈石梁

霜落貂裘舌尚存，倦遊曾向客中論。千崑競秀天台，
賦三徑就荒彭澤，樽道學多年依鹿洞。名流當日接
龍門，君今衣錦歸來好，越嶺花明照故園。

梅影

碧天流月夜如霜，玉艷寒凝淡淡妝。羅幌乍飄疎影

動微風吹，作返魂香。

季夏病中遙謝幽庵餽白柿，予雅嗜此物，嘗比

荔實蔗根

滿林秋綴絳紗囊，紅葉題書字亦香。荔子摘來纔變
色，蔗根採去更凝漿。金莖冷結三危露，玉粟寒生六
月霜。原是長卿消渴久，因君要擬再遊梁。

消息子

素裹團圓雪，作球銀花點綴。玉簪頭攀條柳絮輕輕，
碎自注云羅鄴柳花詩拾翠萸英，茂茂柔自注云選詩蘭野茂

英蕙 盈處寧如師，摯始洗來還似穎。川流有時耳熱，
方酣酒拈起，淒風滿鬢秋。

中秋海口新橋對月和田生韻

白蘋洲渚木蘭舟，月滿長橋倚素秋。烏鵲河邊榆影
冷，嫦娥宮裡桂香浮。神人鞭石滄波動，仙子梯雲瀨
氣流。為報相如題柱處，不知何夕問曾遊。

挽恭靖木先生詩十首

自注云：十二月二十三日戌時卒，壽七十八。

星軺徵聘擁蒲輪，君昔歸來北海濱。一世共推天下
老，百年空化墓中人。遺書何用求封禪，前席誰因問

鬼神惆悵九原無，起日寒烟荒草欲生春。

帝告巫陽猶未下，蒼天何處可招君。素帷霜拂西郊
樹，丹旄風翻東海雲。坐奠兩楹都似夢，封崇四尺亦
為墳。長歌一斷消搖後，却使文章不得聞。

四馬蕭蕭送葬車，古原霜落白楊疎。大名私議門人
謚，厚德應傳國史書。為志我聞三代節，築場誰結六
年廬。自今弟子如星散，共是離群嘆索居。

蒿里蕭條涕淚沱，白雲相送入山阿。素車有客霜華
滿，總帳無人月色多。瓠葉當時談俎豆，杏花何處聽

絃歌西門一路依然，在不忍還將醉裡過。

朔風飛旆去，翩翩雙淚潺湲逐逝川。古路鳥聲悲落

日荒郊，樹色慘寒烟。一家自是遺清白，千載誰能識

太玄。豈料死生真契濶，只期相見及黃泉。

長江雲霧暗文星，蘭葉霜紅白露馨。堂上空帷留几

杖，壁間遺像託丹青。平居不口尊周禮，自注云先生嘗尊信此經

薄葬相從齋孝經。自注云先生遺言殉此經彷彿舊時函丈夢，天

風吹入夜冥冥。

江路悠悠江水長，茲時不及我心傷。雲烟只見文章

色草木猶聞姓字香。奠酒定知徐孺子作碑，何愧蔡

中郎。笛聲吹落虞淵日，萬里悲風入白楊。

江天霜氣日稜稜，木落孤村見夜燈。竹箭渡頭波自

急，蓮花池上塔成層。九原空認尋牛地，千載猶思下

馬陵。為記儒林傳故事，百車上冢有誰能。自注云先生塋域卜

池上村本門寺東寺奉法華云其數里有矢口渡士人傳云源義興所沒也

一從高卧起，東山洞裡薔薇長。掩關只為脩文歸地

下，昔教遺草出人間。朱絃已絕流泉咽，絳帳猶懸落

日間。欲採梅花侑卮酒，天寒江樹未堪攀。

百年丘壑豈忘情，千里歸心欲問程。
芋葉收來懷錦里，柳條攀去憶金城。
東山未遂生前志，北斗空懸沒後名。
冢上一痕滄海月，霄霄應傍故鄉明。

自注云錦里者先生

故居金城謂北藩金澤也

田氏黃鶴樓落成

自注云田氏世稱隱居

青松滿院繞庭除，傳是華陽舊隱居。
家學神仙曾得藥，門過長者既多車。
樓中舞鶴雲生壁，堂上丸熊日照書。
況遇紫荊花發日，見君兄弟玉相如。

鶴樓席上和蘭谷韻

自注云生家在山云

黃鶴歸飛下碧岑，樓成自古視猶今。
客來白雪歌先唱，家住青山夢可尋。
百步香聞蘭在谷，一枝才擢桂為林。
相逢應是娛良夜，不問江天明月沈。

和都蠡湖冬夜題旅館韻

客夜蕭條獨自吟，燈花飄盡對更深。
霜吹草木年將晚，雪滿關山路欲尋。
孤劍龍寒埋紫氣，敝裘貂冷散黃金。
功名却笑多機事，歸去祇應老漢陰。

庚辰元日壽外舅日下翁七十

南極高堂上，東風綺席前。
雞迎初度日，鶴識遐齡年。

栢酒春香動，桑弧佳氣懸。已知雷氏劍，每畏祖生鞭。
黃石曾逢老丹砂，亦欲仙。世間何所樂，最是子孫賢。

自注云翁越之望族也性素好勇而通武藝善相刀劍及老頗得脩養之術

辛巳仲冬從駕東郊別館

朱門別館近郊開，畫戟清霜拂樹來。捲幔江雲隨劍履，憑欄海氣捧樓臺。花宮鳴磬驚林葉，茅舍□□破徑苔。陪宴共聽相悅樂，還慚齊國作詩才。

元夜鶴樓席上與諸子同賦家花車斜韻

何處元宵好，元宵豪士家。蘭燈飄玉葉，桂酒泛金花。

坐合雙龍劔，門容駟馬車。祗應長夜醉，不問月華斜。

春近餘雪

朔風吹不盡，雪色映樓臺。陰嶺日纔動，陽坡烟欲開。
玉笛抽宿麥，粉蘂吐寒梅。幸有郢中曲，高歌更自催。

賦得春暮草頭齊

自注云東都諸子以管公詩句為題余亦得其一

千里花紅鶯亂啼，如烟芳草望中迷。年年春暮長安路，總向王孫去後齊。

每歲中秋賞月，於田生鶴樓十年矣。此夕無月，坐客不樂酒數行，生奉觴于我前，以明珠一雙。

為壽我為之戲曰不愁明月盡自有夜珠來蓋
今夕之謂也坐客皆粲然而笑遂以賦

一樽今夕酒十載故人樓東海魚龍夜南天鴻鴈秋
難酬明月贈更得廣寒遊不恨浮雲色免教照白頭
近傳煉丹法而求真珠於藥肆中真者最少適
中秋夜得南珠於鶴樓報之以詩再次前韻答
其和詩

今夕知何夕雲深海上樓珠來玄鶴夜藥得素娥秋
豈問瀛洲路還勝漢水遊此中明月滿倚檻莫回頭

八月十六夜海天望月作

可憐今夕月還勝舊時秋縱有金甌缺應將玉斧修
蒼溟波不動碧漢露如流夜靜蛟龍舞天明罔象愁
鴻傳千里字人倚萬家樓最識無私照清輝徧九州
甲申仲冬侍講因賜紫牡丹一枝詩以奉謝

仙律分寒景名花先艷陽紫袍深借色玉案近凝香
為愛三冬日應凌五夜霜願將松柏操共得答恩光
丙戌仲春和諸君所贈壽詩韻二十六首

白馬蕭蕭翠柳烟離歌一散玉珂前王孫芳艸迷千

里驛使梅花隔十年，孤劍龍寒南斗暗。尺書鴻斷朔雲偏，春流無恙滄浪水。珍重雙魚迢遞傳。

金栊珠簾碧玉欄，青闈新闢萬人歡。龍樓日暖春聽誦，鶴駕天清曉問安。白首不論疲執戟，朱門何必笑彈冠。樂章齊唱重輪曲，誰使歌聲似伯鸞。

佳人錦繡恨難酬，北望真堪賦四愁。楊柳絮飄傷遠別，薔薇花結感同遊。樽前霞散朱顏暮，鏡裡霜飛綠鬢秋。十載春風無限意，高城送鴈瞰蒼流。

舊事風流今已衰，說詩何必解人頤。青春忽值桑弧

日華髮重論竹馬，時珠履客留燒燭短。絲衣兒舞舉

杯遲醉中還，似襄陽好莫問誰家。是習池右和室滄浪

飛來尺素朔雲長，遙勸南山壽我觴。百歲桑榆催暮

景三春桃李借餘光。丹心許國常懸日，黑髮憂天半

涂霜。莫怪瑤華難報贈，匆匆歸鴈起衡陽。右和南山

二月芳郊送社天，一樽佳酒惜流年。絳人甲子推三

百椿樹，春秋壽八千。屋上青山連坐榻，林間黃鳥佐

歌筵。賴君自有金丹術，肯使閒愁到鬢邊。右和用子彞

青郊晴吐柳條烟，才子乘春對壽筵。南海明珠堪照

夜西山靈藥好延年高堂吾識非熊老華表人疑化
鶴仙不怪詩成多五色綵衣燦爛綵毫傳右和南藩書記田信

威家在西山其大人今年壽八十也云

文星一夜燦靈臺忽辟西園托乘才鶴駕天迎千仗
肅龍樓日映五雲開春闈香暖橫經入晝漏聲稀下

殿來為想瀛洲陪宴日拜恩同賜紫霞杯右和服紹卿紹卿

儲副在潛邸之日被召方今職在勸講焉

當年起草漢仙郎天近明河繞苑墻東壁文垂聯壁
象西園翰染吐花香金閨通籍晨趨早玉漏傳籌夜

直長珍重機雲才並入青雲相見共啣觴右和服維恭紹卿弟

鸞鳳雛飛舞綵雲蓬萊五色借氤氲乘槎忽向天河

上折桂高從月樹分屏上龍蛇題大字壁中蝌蚪誦

遺文生年十一應明試待見巖廊能致君右和平允仲允仲年

甫十一
中庸且
儲副潛邸之日召試以論語及
命大書其所賦詩於御屏

春風吹綠泛壺觴客唱南山入雅章海燕桃花經社

日河豚荻笋遍江鄉斜川吾想陶元亮吳郡誰過顛

辟疆還恨子虛能賦者到今裘馬倦遊梁右和山順之

綵衣雙舞綠樽開客唱陽春勸壽杯一月雷聲龍共

動三山雲氣鶴同來日長天借桑榆景年老人慚擗
櫟材大隱不妨朝市在肯將華髮賦歸哉

右和田伯鄰

青歲懸弧日桑榆景色新渾忘華髮老偏喜綵衣馴
坐滿樽前客文多席上珍況君千里贈應是為情真

右和原伯成北藩人

娟娟梅上月鶯鶯竹梢雲坐我剡溪曲依佈疑見君

右和南豐南山之子其今年十二善詩及書畫自畫梅竹題詩以贈

飛閣遙懸北斗開城頭景色日相催蜃吹海氣千樓
出犀鎮川流二水來雪裡春歸楊柳笛霜前秋泛菊

花杯登高更識君能賦豈讓當年王勃才

建安風骨鄴王臺七步詩成誰為催冀北當年龍種
出襄陽此日鳳雛來吟將西嶺千秋雪勸作南山萬

壽杯子幼淵源今又在外家元識馬遷才

右和大昌言昌言滄

浪外甥是年十四善詩及書○已下皆北藩人

黃鳥翩翩楊柳青春風朝退宴家庭銅龍今見真天
日金馬誰知是歲星未授淮王鴻寶術空談揚子太

玄經濟時休問飛騰急何似扶搖起北溟

蓬萊路近海無濤一榻松風落鶴毛綠徑香飄山上

藥青溪花泛洞中，桃雲間忽過鷄聲。小月裡長懸，免影高君自神仙。能却老還將白髮，恨難遭右和源順元

山翁每醉習家池，君自風流似昔時。太守三州分虎竹，相公八座拜龍墀。芙蓉秋泛紅雲麗，桃李春開白日遲。難報隴頭千里贈，即今何處折南枝。

北海樽前未得陪，春風何日盡餘杯。玉壺徒為長歌碎，金鏡偏將短髮開。驛使相逢梅落盡，帛書欲寄鴈飛迴。百年疎懶吾今老，幸□山公不枉才。右和山敬美

金華本穎越，山川異姓封侯記。漢羊龍駕親臨，新邸

第鳳幃長侍，舊經筵淮山丹桂。思招隱相府，紅蓮好選賢。故國由來喬木在，嚶嚶黃鳥幾時遷。

會稽名士帝城人，我想風流夢寐頻。雪後輕舟剡溪月，花前芳酒洛陽春。素衣可厭京塵污，青柳還憐客舍新。珍重英明賢太守，鹿鳴原自樂嘉賓。

雪霽山陰脩竹林，寒溪月照碧流深。子猷清興猶懷古，太白英風亦視今。玉案只應難報贈，朱絃何必少知音。客中花撲金陵酒，不醉春風不慰心。

舞綵樽前勸壽卮，華顛笑插老松枝。青天倚劍論心

壯白雪彈琴下指遲東海可能求大藥南陔應復補
亡詩武陵此處桃花在未必商山採紫芝

右和藤由言

公孫開閣鳳城東射策當年甲科中桂闕高攀仙子

月蘭臺近對大王風吳門變姓身何隱燕市酣歌調

自同流水一彈君莫惜鍾期未必獨能聰

右和藤知慎

滄浪寄詩兼示遊寺失鶴與山秀才藤剡溪賦

梅雨等作因和韻

芙蓉綠水一時開多士風流屬上才林下鹿行過寶

閣自注云遊寺詩有云古岸蒼流鹿飲溪故雲間鶴

有鹿林之語鹿林一名鹿苑佛成道處

舞到瑤臺興來剡曲堪回棹醉去高陽好把杯應似

當年犀浦客冥冥細雨送黃梅

自注云杜工部梅雨詩有南京犀浦道冥

冥細雨來句金城下有水曰犀川

丁亥春初滄浪和謝燭盤詩報曰今年五十去

冬始得一兒重次前韻以賀

佳氣蔥蔥鬱北城懸弧堂上酒方清玉挑著子千年

結珠蚌生胎五夜明定識大人占吉夢要須英物試

啼聲君家有繼經綸業畱與芸窗二尺檠

簡南南山僑居

自注云南山西人轉徙北州今來東都

君似黃河水遠來滄海東客孤歸鴈後春減落花中
鬢換愁邊白顏銷笑裡紅要將千日酒可與故人同

春日忽憶南中祇生

葛城山上白雲飛吹落春風綠薜衣空有江南芳草

路可憐遊子不思歸

自注云祇生嘗有賦葛城雲詩

南山和予春日忽憶祇生詩重次韻三首

武昌門外柳花飛忽憶春風拂別衣一尺帛書何所
惜年年鴻鴈自南歸

南中三月杜鵑飛客淚如花紅染衣共說賈生年尚

少不知官室幾時歸

霜吹短髮若蓬飛可忍紅塵化素衣十載交遊君只
在又看春色一年歸

又次前韻呈南山

越王臺上越禽飛義士當年畫錦衣莫問陶朱功就
後扁舟獨向五湖歸

自注云南山近有歸志故云

去歲簡林道榮求其楷字今秋贈數幅且有詩

次韻以謝

西園翰墨冠詞場尺璧雙投明月光草法由來推絕

白石齋集 卷之三
妙真書不獨見飄揚嘗聞外國求名蹟幸比鄰人得
報章長史醉時顛可甚何緣尊酒宴高堂

守歲恭紀十韻

乾文玄枵會地統殷正移陽德先天節神光照殿時
星官紀甲子日御臨咸池長子洊雷動生民厥月弥
猗蘭開玉葉仙桂茁金枝已叶熊羆夢當知龍鳳姿
桑弧四方志椒酒萬年卮銀漢遙分派黃河遠應期
百霧隨率舞六合仰重離麟趾風猶在千春可誦詩

自注云是歲戊子十二月甲子辰
時天孫生越四日戊辰立春

謝樗寮翁詩并引

王右軍蘭亭脩禊帖後人盡稱以為神品不
啻後人盡稱之雖右軍亦自以為有神助焉
去歲戊子春三月古越樗寮翁為我列叙昔
賢三十六人錄其所歌詠以寄贈翁以書名
於天下也尚矣而我素不知書安能知其品
之神也右軍有言後之視今亦猶今之視昔
亦安知後之稱此帖將有如蘭亭者哉我今
得之亦何幸也因賦一詩以謝

晉代善書王右軍黃庭經換白鷺群蘭亭人去桃花
老千古風流復見君

壬午中秋同伯鄰泛舟東川攀桂花于牛頭寺
畫舫過垂虹長歌沂郭東停橈雙樹下洗盞亂流中
竹渡寒烟綠花川落日紅醉來時折桂疑是到蟾宮

又日暮陰
雲四合

畫艇中流動飛烟送夕曛銀橋誰問月玉管不披雲
西吹飄歌扇東波濺舞裙徒將千里夜定惜九秋分
和石梁北歸畱別韻

攬轡霜飛嶺樹中青天路轉阻西東鯤溟浪湧沈雲
黑蜃氣樓危落日紅島外烟開帆影出崖前潮去馬
蹄通相思應有平安字時寄秋鴻萬里風

見梁景鸞寄黃鶴樓詩悵然有感舊之情因和
其韻

綠酒天寒紫綺裘蘭燈一夕接風流彩毫幾見傳新
賦華髮何堪憶舊遊莫問五噫生感慨遙知七序繼
春秋當時玉笛今搖落吹盡梅花懶上樓

壬辰九月十一夕月下賦

高天包大荒，萬里月蒼蒼。碧漢流清露，金飈凜肅霜。
陰蟲聲乍斷，陽鳥影方翔。黃菊花何老，徒將晚節香。

癸巳中秋小集

自注云：是夕會者，滄浪、天漪、觀瀾、新川、鶴樓、蠡湖等十數輩。

二十二年秋，年年醉鶴樓。梅花江上笛，桂樹淮南謳。
不恨催衰老，何妨及勝遊。幸將今夕月，更喜故人留。

和滄浪韻

碧天雲淨皎，如霜萬里明。河蘸月光北，地昔傳鴻鴈。
字南樓，今對桂花香。興來偏恨愁，中老病起，何堪醉。
後狂為報，應須娛永夜，莫辭風露灑衣裳。

和鶴樓韻

昔時三五夜，贈我雙珠明。鶴向樓前舞，蟾將月裡清。
蓬山傳大藥，洛浦學仙笙。羨子壺中樂，長懷遺世情。

又

金風桂子，秋明月近，江樓白石烹盤饌。滄浪入棹謳，
狂君千里駕，感我十年遊。為喜梁園客，周南得滯留。

自注云：天漪詩中有新芋薦盤饌之句。梁園客謂宅緝明也。

和滄浪見余詩有感作五首

梁園授簡盡才雄，上客相如意氣中。豈料茂陵多病

日秋深四壁聽鳴蟲

孤劍霜吹兩鬢秋據鞍何復為封侯老來辜負平生

志苦憶當年馬少游

萬里江流片月孤南飛鴈與白雲俱當時非有滄浪

曲憔悴誰憐楚大夫

西風一夕起青蘋搖落秋天愁殺人空記貞觀太平

日玄成幸自作良臣

一行為吏二十年說到前朝更悵然莫問桃花源上

路武陵何必是神仙

初秋鶴樓小集賦宮詞

芙蓉水殿露華浮明月猶懸乞巧樓象簾口笙秋氣

冷玉窓深處數螢流

九月十三夕次滄浪中秋韻以簡

自注云前約高天濤與諸

君此夕賞月及期余乃命駕忽聞主人辭客半途而還因有此作

滄江一卧過重陽萬里天晴接水光鴻鴈霜來黃菊

老鯉魚風起白蘋香庾公明月興何淺阮子窮途心

欲狂況復悲哉堪可賦夜長砧杵擣衣裳

九月十五夕欲邀諸君賞月因簡五首

漸離擊筑泣荆軻壯士由來感慨多我亦豈無燕市酒只今誰復和悲歌

呈高天漪

西風吹起洞庭波落木蕭蕭月色多屈子近來吟獨

苦滄浪何處聽清歌

呈室滄浪

黃鶴仙人騎鶴過于今樓上白雲多當時醉客誰猶

在更憶樽前奏舞歌

呈鶴樓

鷗夷歸去五湖波吳苑秋風白露多欲問孤舟明月

色採蓮人散不勝歌

呈都蠡湖

霜風短布歲蹉跎回首南山白石多長夜曼曼誰為

識可憐甯子飲牛歌

自述

九月之望諸君賞月於草堂明發滄浪有書見

謝又和前韻答之

飛鴻一夜度微霜楓樹蕭森玉露光共醉庾公樓上月猶聞荀令坐中香青雲論友常難合白眼看人未必狂不是滄浪歌曲在芙蓉水冷不勝裳

又用前韻答滄浪五首情見于詩

城上清鐘散粉牆霜華拂檻冷秋光鴈行月度銀河影桂子風飄碧漢香玉麈談玄言又妙金貂換酒興

何狂昔遊因憶鴻臚夜翡翠當年獻越裳

自注云辛卯之冬嘗

觀諸儒與外國使會於客館

孤臣皓髮廿年霜奮學由來借寵光莫問梁園裁月

賦空違漢署握蘭香三鱣為惜先生老一鶚猶憐處

士狂誰道兩都驄馬路西風塵淨使車裳

自注云頃見滄浪門

人詩有鱣魚之句又滄浪嘗論我薦祇秀才而俱奉使之事故詩中及此

當年乞骸未還鄉衰朽猶依日月光蓬髮霜吹孤劍
色菊花秋老一樽香愁康平昔不堪俗袁祭方今欲
試狂袞職從來何有闕夔龍能補舜衣裳

玉具寶裝三尺霜先朝時賜有輝光灰心已向生前

冷俠骨寧將死後香白露夜寒孤鶴唳黃花節去一

蜂狂赤松此日遊何處誰剪丹霞問舊裳

中秋既過又重陽長想南樓對月光松竹歲寒無改

色芝蘭人化不聞香周公豈棄故時舊孔子何思吾

黨狂今日誰能聽此曲知君原自賦同裳

見北地昌言生瀟湘言懷詩五首其氣韻古雅

酷似其舅因和第一篇以贈滄浪子

霜拂青梧白石欄飛鴻一夕下江湍美人遙寄瑤華

贈明月雙懸玉樹寒曾向滄浪聽古調近過湘水訪幽蘭漢廷長孺今猶在四至從來識馬安

有感

函中七首筑中鉛壯士相逢樽酒前易水東流何日盡荆鄉西去幾人憐

白石先生餘稿卷之二

白石先生餘稿卷之三

男新井明卿大亮輯

垂裕堂八詠 堂在泉州

葛城峯

天上玉芙蓉五城十二重帝畿標巨鎮神府擁群峯列宿環朱鳥飛泉掛白龍霓旗仙蹕度時有羽人逢

自注云雄畧帝獵于此山而逢仙事出國史餘見題註

淡路島

萬歲幽宮闕孤洲積水回風雲天柱壯烟霧海門開

樹色波間動潮聲月裡來蒼梧南狩後落日望中哀
自注云太古伊尹氏之世建天柱于此亦造幽宮而隱事出國史餘見題註

茅渚海

天將逾津日黃龍負帝舟東征資上略南伐入中州
白羽星方落滄溟血作流雄威千載在波浪激陽侯

自注云神武帝東征舟師所遇奔潮之處即今難波也既而與賊戰于青雲津帝兄傷於矢兄乃謀曰我師南出以入中州可也師還渡海中流瀦其血海水變赤因名其海曰血沼後改茅渚蓋方言相通也乃至干海口大呼曰男子將死於奴手耶其聲甚雄因名其所曰男水門亦曰雄水門遂及南紀而薨事詳于古事記

武庫山

萬仞鬱嵯峨天兵一凱歌玄雲熊耳甲紫電虎皮戈

巖渚沈冤冷苔碑墮淚多年年春州色何處見銅駝

自注云山下有經島及琵琶冢等餘見題註

日根野

神鳳鳴岡日靈龜表瑞年州分河內郡水湧地中泉

茅白池塘月松青野徑烟漢宮人自妬徒為昔時憐

自注云神功后欲西征到于河內忽有地中湧泉因命其地以泉名即本于此昔有神鳳降于河內其地即今大鳥郡是也元正帝靈龜二年始分河內地置州古人日根野之歌有詠松者茅渚宮

白石會集
卷之三
地有池猶存
云餘見題註

吉見里

雉鳴青野外，犬吠翠微間。桃欲迷前路，桂堪歌小山。
數家機杼響，一水桔槔閒。每隨明月到，應伴白雲還。

興津崎

遙峯天際落，長水澹含輝。素舸滄浪曲，青萊白石磯。
海鷗隨汐至，山鶴帶雲歸。為寄秋風興，鱸魚幾尺肥。

自注云古人興津之歌詠鶴者多

佐野浦

青松綠水濱，花映萬家春。巨艦浮南浦，高城對北津。
鶴樓觀畫，客鮫室賣綃。人因想鷗夷子，陶山此地隣。

自注云浦在府城之南，古人佐野之歌詠松或指浦南松林也。南海賈舶莫大於泉焉。云陶山在府城東北，因用陶朱公事。括地志云陶即陶山在齊州。

送兆師西歸

九月風高木葉稀，霜華吹滿芰荷衣。白雲望斷蒼梧，
晚不見南天一鴈歸。自注云兆本南岳僧，曾有為其

悵然抱恨而歸

照鏡梅

郢樹潛回鏡裡春，何堪持贈有情人。仙娥奔月空將影，神女凌波不起塵。湘浦水寒，竟易斷巫山雲散夢。難真可憐素艷，分嬌面羞殺宮粧五出新。

謝泉南唐生所贈棉布因憶南紀祇伯玉

南方舊聞木綿花，奇卉殊勝桑與麻。三尖楓葉未染霜，一寸葵心欲傾陽。瑤水蟠桃子，正結金堤弱柳花。如雪蚌殼剖時迸，珠淚鵞群鬪來飄。素毳人間一葉碧，梧飛泉女夜織月前機。初傳海上珊瑚市，應換山中薜荔衣。美人所贈我何酬，南望側身歌四愁。君不

見都布單衣，公孫作馬援。到日不樂畱，可憐老去心空壯。却爲平生憶少遊。

和田子紅梅韻

紅艷凝雲一朶斜，美人相對惜年華。應嫌蝶翅空施粉，不用鶻鳴苦染花。

題斲琴圖

流水人俱去，人間此曲悲。瑤琴無所惜，旣遇一人知。甲午上元雪後小集，室子不來賦三詩寄坐中。諸賢及余，余乃和其第一韻。

玉燭調元節，銀花剪雪新。青藜應照夜，黃竹已回春。
鶯早歌猶溢，梅寒粉未勻。卽知難和曲，不獨郢中人。
雨後堂前紅梅盛，開與諸賢同賦。
春寒雨浴，曉粧成紅汗，沾衣宿露明。錦幌蒸雲香欲
熟，朱簾捲月影俱清。樽前扶起瑤池夢，笛裡吹殘玉
塞聲。妬殺趙家雙姊妹，豐肌偏向掌中輕。

坐上再用韻重求諸君和

羅浮春夢恍難成，青鳥歌殘落月明。色剪紅冰侵骨
冷，香凝絳雪透肌清。瓊琴應復求新譜，檀板何須按

舊聲。莫厭天寒頻勸酒，仙衣原自六銖輕。

三用前韻謝滄浪

瑤池仙艷董雙成，林下風神獨自明。雲雨無情春態

媚，烟霞有夢月魂清。思久豈忘

巫放切

甘棠賦

自注云
和詩有

嘉樹求友猶聽好鳥聲，不似東華門外客。軟紅塵

逐馬蹄輕

和蠡湖紅梅韻

姑蘇臺畔館娃宮，西子醉時花亦紅。誰識一株餘艷
在，春香散入鳳城中。

戲和室子鯉魚膾韻

鑿刀揮刃尺霜凝勢若風湍浪作層落俎紅霞飛片
片堆盤紫石疊稜稜中厨應洗千鐘酒上客宜供六
月冰即識東南佳味在金螯玉膾亦何稱

九月十五夜與諸君翫月

霜吹雙鬢倚南樓木落長天夜色幽雞黍共約千里
客鱸尊空過一年秋城頭金柝隨風斷雲裡銀河帶
月流黃花縱有催人老綠酒樽前欲緩愁

廣陵屈教授邂逅室子寄贈詩五首和其韻

漢廷誰是薦揚雄到日甘泉侍從中弟子侯生今既

老空將頭自學雕蟲

自注云子雲比恭靖先生教授先生外孫

枚叔觀濤八月秋廣陵潮起駕陽侯只今七發君應
繼欲酌蘭英問壯遊

承露金莖漢月孤茂陵秋色暮雲俱縱令狗監能知

賦誰使相如作大夫

自注云狗監自比

金風乍起暮江蘋况復悲秋我輩人君見蘭臺新賦

在宋生原自楚詞臣

自注云室子近有大風篇

洛陽名士漢時賢李郭英風共儼然舊識龍門難可

到不知何處望神仙

自注云李郭比室屈二字

乙未春初病中簡天漪

庭際花枝動偶娛得及春病時生作累老境死成鄰
居靜常辭客書來亦惱人煩君還有贈只是為情親

登州刺史正邦四十壽詞三首

桃花三月錦筵開為報柔弧初度催最見春雲多五色
神仙太守在蓬萊

賓從為雲酒作河滿堂齊唱九如歌君今四十纔強
仕聖世承恩日月多

南山壽酌東海霞孝友由來是一家堂後春深萱
色庭前夜發紫荊花

集橘伯陽客舍賦鳳凰來儀

虞廷大樂鳳凰調瑞羽雙飛下紫霄五色文章明
衮繡九成聲律協簫韶雲梢長啄青玕實月樹高棲碧
玉條別有將雛翻舊曲西來猶自應□朝

自注云千時伯陽之

子隨行

題橘伯陽之子詩卷

伯陽年少我相知一別寧思再會期況後見君詞翰

妙恰如初見伯陽時自注云吾初見伯陽年十七八今見其子年亦相如

和藤拾遺忠良委蛇樓賞月韻三首

先生教化被南中當日羔羊觀國風君自委蛇公退日賦成應與昔賢同九

武昌城上月明中賓佐登樓仰下風共說庾公高詠在君家清興渾相同

相如病渴茂陵中苑樹秋聲起晚風莫問子虛為賦日纔逢明主幾時同自注云此篇自述

戲詠西瓜

西域分奇種東門學故侯黃花鵝毳細青蔓蝶鬚勾實大如金斗形圓似翠毬綺筵紅欲下玉斧月應修

齧作蘇卿雪漱成孫楚流鮮虹凝血色似飲月支頭

丙申八月三日和登州藤正邦感舊作

漢時天子濟汾河萬乘旌旗氣色多唯有白雲飛不斷秋風此日奈情何

中秋與諸君賞月賦

天清灝氣夜沉沉萬里江風對解襟丹桂長留明月色蒼梧徒寄白雲心金波不動芙蓉老玉露無聲聽

白石齋稿 卷之三
醉吟莫恨登樓興方淺諸君猶自舊情深

乙酉中秋和滄浪韻

青天月出滿城隅塵淨長風拂九衢共見明河如曳練
安知滄浪有遺珠棲鳥曲裡催銀箭老驥歌中碎
玉壺富貴浮雲何復在公孫原自漢通儒

和滄浪次韻

西北浮雲日色沈天風吹我灑衣襟甘棠豈忍懷人賦
結草何忘報主心衰俗難逢青眼侶薄情休問白頭吟
九歌從古多騷思欲採芙蓉秋水深

又和

蒼江東去日西沉唯見長天豁我襟斑竹雨痕空灑淚
青松霜色共論心中山書到多飛語下里歌來幾
和吟最是茂陵消渴夜不堪秋氣向久深

重和滄浪韻

公孫高閣接城隅此去青雲近路衢西域葡萄為美酒
南方薏苡作明珠山中何必尋黃石市上還堪隱玉壺
當日陸沈金馬客長安索米笑侏儒

和登州刺史韻

白石齋稿 卷之三
西子浣紗津南枝本作隣玉鱗飄雪後紅艷染霞新
清影偏憐月濃香半度春瑤華君有贈併得樂佳賓
偶作
綠綺之琴綠水歌能聽此曲幾人多天風吹髮如飛
雪白日西流柰老何

七月十七日次北藩挑溪子哭子韻二首

夜夜烏啼月滿城城中一夕碧梧驚延陵作客徒封
葬子夏離羣欲喪明故國書回寧信死孤魂夢斷尚
疑生君今垂老将歸日惆悵何堪我輩情

西風江上起青蘋瓊樹飄零旣委塵王氏臺前情最
苦潘郎亭下賦方新東游曾作同來客北去應爲獨
往人孤冢空懸滄海月悠悠長夜幾時晨

次挑溪哭子韻鄙情未已別賦三絕以贈

野水繞孤墳荒郊慘暮雲寄將東海月何處不隨君
秋風蘋末起一夜入江城往見南歸鴈徒傷北去情
江國有芳梅應移墓上栽年年風雪裏花向北枝開
和鶴樓中秋韻二首

自始游牛渚凡二十五年每遇中秋滿座詞客

翰飛字落風霜月露累篇積案幾勞應酬或有
千里而贈者今年中秋舉酒于城北新居深林
之下風雨蕭然舊游唯有田都二三子而至於
言詩則有田生一人而已老夫於此感亦不淺
遂和其韻

城北移居小苑東東林待月一樽中花宮仙梵隨秋
雨柳市人烟帶晚風酒後因歌悲老驥欄前寄興託
冥鴻南樓舊賞君今在不恨浮雲望裏同

西風北雁去還回萬里秋光雨裡催楚水懷久芳杜

贈淮山招隱桂花開只言樓上諸君住不問門前幾

客來亦識明年同此會能添白髮照啣杯自注云憲

城北別館今已廢為新築亦係壽經寺下柳巷之
地里人稱謂杜若宅蓋昔時有僧住于此好栽杜
若以貽人故得此名云我亦性愛
桂樹卜居之初先栽一株於庭上

八月十六日作自注云此日大風迅雨震電
並作河海水溢壓溺者多

東渤妖氛惡飄風八月來離光猶激電震氣忽奔雷

雨倒銀河落濤翻碧海堆齊羊一足舞宋鷓六飛迴

禾偃邦皆懼梁壞世亦哀壞音回。一作枉折
共工怒城崩杞婦哀不須

清角奏應問巨川材白雉寧重譯金滕可復開一作
白雉

何年至金仍聞思猛士誰得對蘭臺

八月十六夜作此夜月蝕

莫階初葉落華月四更催暈度銀河沒輪埋碧霧摧
非緣斫桂樹豈為畫蘆灰龍燭啣寒焰鯢燈照夜臺
蟾蜍空失影蚌蛤未成胎齊后槌環解荆人抱璞回
玉鈎簾半捲金鏡匣纔開忽聽雞聲曙清輝不肯來

次玉隱師惠韻三首自注云玉隱字玄札南禪普濟禪師弟子文庵時

微補僧錄司後有故辭職歸隱于洛西間高庵

大梁天子契無緣歸去嵩陽少室前珍重西來祖風

在老禪面壁不知年

維摩多病謝塵緣結宇空林落木前纔有室中方丈

在一燈相照夜如年自注云來書訪予舊疾

東林同社舊因緣白藕花開碧水前多謝遠公遯跡

日猶思陶令在官年遯讀作豚平聲

九月廿日作

霖雨三秋晚陰風十日餘百川皆若沸四澤既為涸
牛馬何能辨蛇龍可共居青苗生屋壁白鷺下堦除
簷酒飛泉灑林霏落木疎蘆灰寧復洞微禹嘆其魚

自注云環舍皆水青苗生壁白鷺下階亦是奇觀
蓋霖雨浹旬新築壁土如泥穀種為田水所漂者
依附發芽也

寄題老圃七覽 常府儒臣安覺所請

碧於亭

題注云亭下臨仙坡水右連神崎
左接柳堤斜望吉田神社橫拖箕川

遠眺則筑波疊巘宗戶峯並蒼翠環列四
時之興皆可觀而春時尤勝水南樹林陰
森蒼鬱間忽有白雲出岫
熟視則辛夷與山櫻也

屋上峯巒繞欄前野水明青林花影動疑是白雲生

紅藥欄

題注云府下有紅藥百餘品老圃
所種盡是京師之產故人贈之也

南國人相贈西園客自栽未調金鼎和曾映玉階開

蟠藤岡

題注云有長松樹古
藤纏畏蛇蜿蜒似龍蛇

松枝似有花藤蔓還成樹紫鳳翼蒼虬翩翩下雲路

涼月榭

題注云孟襄陽云松
月生夜涼適與境合

明月如霜青松色自涼夜深香露落沾灑芙蓉裳

採蓮步

題注云仙坡素以蓮著弥望
則紅衣翠蓋香風薰微几席

紅蓮開粉面翠葉拖羅裙不辨花間色纖歌度絲雲

黃花塢

題注云九京師奇品府下異產莫不
歷種而從朱遜之之語以黃為正

黃菊有佳色幽芳浥露開落英聊采摘泛此忘憂杯

老蒼園

題注云園有梅八九株又云老圃在
梅香巷舊佐竹義重之臣梅香齋之

所居近世兵志所謂關東佐竹梅香齋者是也

舊巷數株梅，今人看幾回。清香長不絕，花似昔時開。

中秋小集次韻二首

黃鶴仙人去，復回曾將玉笛倚樓催。汝南市向壺中隱，勾漏砂從鼎裡開。滄海成田塵世在，青天有月幾時來。浮雲流水那堪問，笑對金樽把一盃。

秋韻

自注云鶴樓去歲中

石林精舍半峰秋，把酒與君散舊愁。共擬虎溪人入社，猶思牛渚客浮舟。一川暝色雲歸岫，萬樹寒聲雨

過樓莫問西園飛蓋夕，當時才子盡曹劉。都生韻

四皓吟

鮑車風起鯢燈明，龍鬪蛇死海宇腥。西山人遙薇亦老，雙飛鴻鵠遊冥冥。劉家四皓龍樓客，年皆八十鬚眉白。樽前為壽各言名，能教阿登生羽翮。穀城何見黃石公，商嶺誰致紫芝翁。君不見優孟抵掌叔敖在，叔敖之鬼長不餒。

虞美人草行

楚姬起舞楚王歌，城下漢軍楚人多。楚王歌斷楚姬

白不食和
卷之三
勿帳下楚人涕淚沱冤血夜凝纖州色斑斑楚竹弓
江娥紅艷露啼空百媚翠葉風舞顰雙蛾君不見漢
王楚歌漢姬舞却似從前君死所人疑吞聲如意死
楚歌非獨能亾楚

易水別

燕臺荆卿悲歌客說劍爭傳人不惜意氣一過太子
宮精誠貫日虹彩白老驥伏櫪志何衰餓虎當蹊肉
可糜於期敢後田光死荆卿有待客歸遲千金盛得
函中首十三殺人真黃口鷓鴣半淬短蛇鱗秦王命

懸燕使手素冠來送咸陽道擊筑歌急東方曉朔風
蕭蕭易水寒行人不顧車聲小

和原九惠韻二首

使君千騎下東州知子於今居上頭莫問淮南舊賓
客山風吹老桂叢幽
白鴈霜來楓葉丹帛書言少意多端十年雙鬢人俱
老依舊青松色不寒

老少年行

一名雁來紅又有一種
十樣錦一名錦西風

西風秋老老少年白鴈來後紅娟娟霜葉真勝二月

花雲錦新裁，十樣牋。老年準擬少年時，不恨當筵舞
柘枝。仙姑雙鬟如烏瓜，妖姬三少是雞皮。白頭吟罷
人愁絕。楊花徒思楊叛兒，君不見東家阿嫗年七十
夜來向市買燕脂。

和清人魏惟度八居韻

攢峯疊嶂俯廻溪，家住危橋數里西。明月跡過深谷，
虎白雲聲斷遠村。雞尋源春水桃花老，招隱秋風桂
樹齊。山鬼欲來天色暝，女蘿衣薄雨中啼。右山居
青天路轉白雲溪，盤石垂蘿碧洞西。栢葉風來薰水

麝竹根泉灑照山，維傳崑夢去賢何在。箕嶺身棲隱
可齊，盡日松門人不到。玄猿偏向月中啼。右崑居

百尺飛樓萬仞，溪蒼茫遙接大荒。西南山碧霧藏玄
豹，東海紅霞叫玉雞。捲幔纖雲衣上落，當窓積翠畫
中齊。洞簫吹徹天如水，散作鸞凰伴月啼。右樓居

老樹陰陰竹繞溪，黃茅近向瀑泉西。豈論門上題凡
鳥，不學窓間語老雞。陶令結廬容膝易，孟光舉案與
眉齊。興來且酌杯中物，笑見癡兒覓棗啼。右茅居
東隣娼婦舞前溪，丹轂香車大道西。市陌何人隱屠

狗城隅有老養群雞青旗樓外花枝動白馬橋邊柳
色齊為問黃公壚上客幾家歌笑幾家啼右 鄜居

蘭橈一夜發清溪萬里風帆東復西晚日波間遊海

獸晨星島外報潮雞蘆洲月落千檣出柳岸烟輕五

兩齊却怕隣船愁婦在琵琶曲罷使人啼右 船居

春風吹綠漲江溪繞舍垂楊盡向西雲斷青山朝放

鶴烟開蒼嶼午聽雞吳姬欲採荷香動楚客徒傷菜

葉齊南浦望迷芳草晚鷓鴣何意傷人啼右 水居

藹藹蒼烟隔綠溪孤村桑柘野橋西柳邊小巷歸春

燕花下雙扉報晝雞秦漢不知年代改朱陣唯見子

孫齊喜聞南畝分秧後屋角班鳩喚雨啼右 村居

又和八居韻

自注云狂與數君作此詩既而比之諸作體裁似異故再賦此

石碓春雲水下溪采薇何必彼山西樹懸陰壑巢霜

鶻草長陽坡乳野雞白晝嵐來十嶂暝青春雪盡百

花齊松門自削人間跡免使清猿作怨啼山居

百丈丹梯俯碧溪崑棲遙隔石林西雲藏洞口飛螭

蝠雪滿山中伏鷓雞對局松陰柯欲爛撫琴泉韻曲

應齊回頭塵世滄桑在銅鑄仙人未免啼崑居

青山環郭水環溪，溪中有危樓俯水西。
碧瓦霜飛千里，鴈朱欄霞起萬家。
雞笑聲忽自雲間落，舞影還將月裏齊。
不學思鄉能賦者，臨風却寄數行啼。
樓居

一村桑柘一川溪，茅舍柴門野徑西。
遠渡待舟人立馬，隣家分食婦呼雞。
玉笙吹月松風響，石鼎烹雲竹雨齊。
春社酒醒窓送曙，去年雙燕繞檐啼。
茅居

渭水東流舊釣溪，老來身隱是城西。
五原芳草驅遊騎，九陌香塵走鬪雞。
自分華圭居可賤，誰知桂玉價難齊。
荆卿歌和漸離筑，不是相知不與啼。
麴居

萬里攜家別舊溪，布帆風送任東西。
吳天晨見潮頭馬，楚地宵聽月裡雞。
波際綠分諸島小，雲間青點數峯齊。
無端曾向瀟湘泊，夜雨斑斑竹上啼。
船居

百折長流幾曲溪，湖光遙接落暉西。
水鄉結社盟鷗鷺，野艇移居載犬雞。
十里香吹紅藕滿，千家聲倚碧欄齊。
青山欲雨蒼烟晚，遍地私蛙閣閣啼。
水居

屋裡青山屋外溪，漚麻池在陂塘西。
村中蠶事飛桑鳩，林下禽言叫竹雞。
秫飯淵明三月種，菜名諸葛四時齊。
府君化被兒童好，野雉將雛到處啼。
村居

呈復庵

去歲加州復庵氏北歸道經岐岨詩中有豪
雄昔起楚三戶道路今開秦五丁之句且謂
源將軍義仲起兵於此始未甚似項王之事
堪以為確論因賦以贈

五丁霄擘萬山摧鳥道天懸劔壁開青漢似絲雙嶂
合碧流如箭一川來馬蹄棧峻苔痕滑猿叫雲深樹
色哀最是英雄懷古淚還同垓下楚歌催

次宅秀才冬曉韻自注云秀才名濟美緝明之子緝明今秋卒

昨夜東隣一笛風燭花添淚對窓權十年杯酒餘歡
外兩世文章舊誼中謝氏堂前芳草綠自注云生有族兄滕
王閣上落霞紅自注云生年十三黃金求駿臺猶在自注云居在駿臺
龍種從來北野空

中秋和鳩巢韻

廣寒高處鎖孀娥玉宇瓊樓定奈何仙斧寧能脩月
戶客槎應復到天河西園飛蓋才空老北海清樽意
亦多幸有故人同此趣肯將雲雨歎蹉跎

又和中秋憶區友作自注云宅緝明以去年八月區居與鳩巢隣故有下宅

隣叔夜悲鳴
笛之句云

昔日風流亦自如，衰來偏感故交疎。
青山何處孤魂在，白首當年二老餘。
梁苑暮烟思授簡，茂陵秋雨恨遺書。
笛聲吹落懷人淚，況復君家接舊居。

諸葛武侯畫像歌

太華山裂失赤符，神龍潛伏海將枯。
誰知時務在俊傑，此間足數鳳之雛。
關張不悅魚水合，君臣奇遇絕代無。
立談既定三分業，顧託不負六尺孤。
王佐從來見伊呂，兵謀何必事孫吳。
葛巾羽扇清渭曲，中原赤

子溪來蘇萬古精靈長不死，豈唯當年魏人趨。
桓溫素有雄心在，只識常山蛇勢圖。

答赤石梁教授

故人□下讀書帷，尺帛并傳寄我詩。
靈運應同帆海日，伯鸞寧似出關時。
赤松山上仙何在，黃鶴樓中客可思。
春入江城梅自落，當初玉笛不勝吹。

松氏故
城也

自注云赤
松山言赤

題畫鷹二首

胡鷹生岱北，白錦羽毛齊。
一片飛霜落庭禽，不敢啼。

豪鷹劍翮寒，兀鳥豈堪搏。狡兔藏何處，頻將月裡看。
泉州禪樂寺八境

北邑萬戶

縹瓦紅塵外，粉墻蒼樹中。遙分南北陌，歌笑萬家同。

自注云：邑即沙界津寺，在東南隅。津口坊戶分為南北兩街。

南郊千山

題注云：南望葛城等諸峯。

南山皆峻秀，盡向望中分。欲識石橋處，峯頭生白雲。

西堆松翠

鬱鬱復蔥蔥，林深古梵宮。晚來嵐翠合，偏照落暉紅。

東擁竹林

舊竹深深密，新篁嫋嫋長。烟梢明月上，清露滴幽香。

遠林凝靄

題注云：東南遙望村落。

南畝稻梁田，東臯桑柘烟。遠村分聚落，平楚帶長川。

自注云：郡南陶器放生等川，西流入海。

曠野鋪青

昔日皇陵地，南天燭百靈。蒼梧雲氣斷，萬古草青青。

自注云：仁德履中及正三帝陵相望于郡之東南。

澄江引練

題注云：江潮通于寺門西。

江平如曳練風起復生鱗白鳥翻飛下當門不辟人
流水鼓琴

不是湘中曲非關濮上音細聽流水韻深識古人心

辛丑春初鳩巢過訪見其新年偶興詩次第一

韻以謝

遠公精舍半峰晴家對寒溪一水橫近市青烟連北
郭當門朱邸接東城漢廷豈可無三策魯國從來有
兩生羽獵長楊堪作賦諸君好自答昇平

答東藩安太史

西郊桑柘起寒烟黃菊霜吹節後鮮陶令本栽門外
柳遠師同結社中蓮浮雲日去空千里明月時來共
一天為想淮南老賓客好將鴻寶欲成篇

妙祐縱眸園十二詠

寺在青山

澀谷水聲

淨刹青蓮界祇園寶樹林澀河聽佛曲不是世間音

自注云本邦樂府有澀河鳥曲相傳澀河水名鳥
名舍利承和中慈覺師在唐學引聲念佛倚笛傳
得其聲即是此曲蓋
梵天讚佛歌唄也

青山花氣

白石齋和 卷之三 三
青山花似海蒸，作半江雲時逐春風。落芳香滿地，聞
士嶺晴雪。

嶺雪天花落，能教日色涼。東方金界在，長見白毫光。
駒原暖烟。

白駒原上日黃犢，草間烟藹藹。春空色還疑玉在田，
遠村疎燈。

青焰烟中滅，朱光雨裏燃。夜深金像暗，遙照法堂前。
近市寒砧。

玉砧秋氣冷，素月照流霜。聲入寒堂夜，蓮花漏水長。

西丘初日

海日雲霞外，林丘彩翠間。此中堪拄笏，不必在西山。

南畝時雨

南畝流時澤，西峯歛夕暉。虹從梁上見，龍向鉢中歸。

橋邊螢火

螢散水天秋，星星逐影流。直將銀浦曲，身到鵲橋頭。

竹裡鶯聲

迦羅頰伽鳥，伽讀作元，自穀中鳴。春苑幽篁裡，更聽

哀雅聲。自注云：大論云：如迦羅頰伽鳥在穀中未出，發聲微妙，勝於餘鳥。神珙云：如迦陵頰伽又

今其能者
作哀雅聲

古祠秋月

古月荒荒白寒烟漠漠青空林風露下叢桂滴幽聲

野寺晚鐘

花宮仙梵晚鐘磬自相和更識香雲外精藍處處多

癸卯中秋有感

自注云今歲五月次子宜鄉

何堪今夜景不似去年晴天到中秋暗人同子夏明
交游空舊態衰老尚餘生雲雨如翻手非關世上情

寄題休軒老人苔水庵二首

自注云庵在常州水戶府下其號苔

水者取諸僧西行
倭歌之語也云

相府東開淥水前紅蓮幕裡識名賢巷分神廟遊衣
路家比僧房卓錫泉文室從天花欲雨平湖滿地草
如烟三宜休後長堪者不羨陶朱去泛船

掛冠神武白頭前湖上聊堪避世賢仙子波間淩落
日高僧井底記名泉幽蘭繡曲春飛雪芳茗蒸香晚
起烟徒有小山招隱句此身空負剡中船

紀司馬小集與諸君同賦倭歌題二首

五夜雞聲次第催河山曙色拂雲來秦時明月依然

在十二重關不敢開關雞

織腰裊娜楚宮粧翠羽明珠蘭芷香不是陽臺雲雨
夢君王何獨憶高唐逢增戀

為源鴻臚賦書齋梅

自注云此日陪錦里先生聽談易

庭上一株梅春回讀易臺清香風外度素艷月中來
落帙疑螢化臨書似雪開更知東閣興應復被花催

謝江東故人寄魚鮓

客路紅塵化素衣江東鄉味久相違尺書遙勸加餐
字未到秋風便懷歸

舜日薰風琴誰能嗣此音五明遺製在可解此煩襟

謝洞巖老人所惠松葉詩并引

小黑崎在玉造河之東河中，小島名曰美豆
島上有松數株霜根雪幹古色蒼然真千載
之物也是歲之夏翁掛冠之後遊歷到此手
折一枝以贈我聞昔人游賞此地恨其不與
以共赴京洛矣今所惠實為幸多豈止感千
里貺耶

散髮當年擲玉簪名山到處得幽尋西來瑤水崑崙

小東望滄洲方丈深松葉秋飛洛陽思梅花春寄隴
頭心神仙有藥稱難老何獨紅顏在華陰

自注云方
言黑讀如

崑崙樂曲崑崙八仙
俗作黑八仙即此

白石先生餘稿卷之三終

酬安子先問新居

征鴻一夕度江關尺帛傳來豈等閒擊筑和歌燕士
淚卜居裁賦楚人顏金閨諸彥今通籍華省仙郎舊
接班珍重周南留滯客書成非獨藏名山

和子先賦雪

雨雪江城夜徒思剡曲航淮山吹古桂梁苑灑脩篁
瑞木應飄葉橘花不借香素分機上織粉鬪鏡中粧
蘭室生虛白梅園伴老蒼珠寒同蚌淚玉軟比蟾肪
擬絮才堪賦裁紈怨作行窓明書在手坐暖酒澆腸

銀浦流雲合瑤池積水長陽春難和曲還愧到茅堂
三日和東陸源子嚴春初韻

武昌楊柳動春城東望長流獨舉觥曾識北軍驚鶴
唳又聞南渡舞雞聲當年脩禊蘭亭集此日歸田粟
里情不忍王孫無限思汀洲芳草向誰生

自注云子嚴先世有

切于南朝云子嚴善書今年乞骸而歸

謝樗寮源翁石箭頭及刀扇之贈三首

肅慎青罽鏃夷中出異材君今遠相贈似鳥海東來
千里美人贈一雙金錯刀瑤華何可報徒使我心勞

書白公詩卷末後

郭若古述字孚世子滌

恬之為福也侯官人前在

福建：亭居崇安縣之徐

現任明之府回安縣之縣翰

林敦任編子維原別席皇
六福州侯官縣人現任編
姓院編修一之恆齋姓敦
名印字子順福建侯官縣
人前為琉球引禮通官格

通をある席一之恆齋姓敦
崇沖琉球公使を為し人自幼
胸習文字通より其後凡表
單の語彙を成し其を中
山と記す也又其は論云

善尔在唐曰坎夫琉球控本
由周之台不致致主台日本
不如是下能存善以由
事之而不自安者之新皇
門象中一稱新之律堪也

唯之文認為琉球人在原
如傳者控新其之以托
蕭之身
宋思在好如吐遠心
是為日本人

佛堪在郭井坑後有源
 又云又文嘉好曰其自由
 金石幸非年 特以問為
 教大夫好今官歷事
 兩朝凡正事禮與經亦為

至如詩至為深雅付之
 南可
 正位少年之末為目
 為之成識



大考十七

大考十八

010190525770

<p>大考十八</p>	<p>大考十八</p>	<p>大考十八</p>	<p>大考十八</p>	<p>大考十八</p>	<p>大考十八</p>
-------------	-------------	-------------	-------------	-------------	-------------

大

